

პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

სახელმწიფო შესყიდვის შესახებ

ქ. საჩხერე

2018 წელი

ერთის მხრივ, სსიპ თვითმმართველი თემი საჩხერის მუნიციპალიტეტი (შემდგომში „შემსყიდველი“), წარმოდგენილი საჩხერის მუნიციპალიტეტის მერის ბენიამენ ფალავანდიშვილის სახით და მეორეს მხრივ, ----- (შემდგომში „მიმწოდებელი“), წარმოდგენილი მისი დირექტორის ----- სახით ორივე ერთად წოდებული, როგორც „მხარეები“, ვმოქმედებთ, რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებული ტერმინების განმარტება

1.1 ამ ხელშეკრულებაში გამოყენებულ ტერმინებს აქვს იგივე მნიშვნელობა, რაც მათ მინიჭებული აქვთ „სახელმწიფო შესყიდვების შესახებ“ საქართველოს კანონისა და შესაბამისი კანონქვემდებარე ნორმატიული აქტების შესაბამისად.

2. ხელშეკრულების საგანი

2.1 ხელშეკრულების საგანია საჩხერის მუნიციპალიტეტის ბიუჯეტის სახსრებით სამუშაოების შესყიდვა, ელექტრონული ტენდერის საშუალებით, წინამდებარე ხელშეკრულებით გათვალისწინებული პირობების შესაბამისად.

3. შესყიდვის ობიექტი

3.1 შესყიდვის ობიექტია კლასიფიკატორის კლასის 45233000 კოდით გათვალისწინებული სამუშაოები, კერძოდ: საჩხერის მუნიციპალიტეტის მერჯევისა და საირხის ადმინისტრაციული ერთეულების დამაკავშირებელი გზის რეაბილიტაციის სამუშაოები თანდართული ხარჯთაღრიცხვის შესაბამისად.

4 სამუშაოს შესაბამისობა

4.1 ხელშეკრულების მესამე მუხლით გათვალისწინებული შესასყიდი სამუშაოები უნდა შესრულდეს მოქმედი სამშენებლო ნორმებისა და წესების, მსგავსი სამუშაოებისათვის უკვე არსებული სტანდარტებისა და შემსყიდველი ორგანიზაციის მოთხოვნების შესაბამისად.

4.2 4.1 პუნქტში აღნიშნული წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები

5. ხელშეკრულების ღირებულება

5.1 ხელშეკრულების ღირებულება შეადგენს (-----) ლარს.

5.2 ხელშეკრულების ღირებულება მოიცავს როგორც სამუშაოების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

5.3 წინამდებარე ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

5.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

5.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

6. ხარისხი და გარანტია

6.1 შესრულებული სამუშაოების ხარისხი უნდა შეესაბამებოდეს დადგენილ სტანდარტებს და აკმაყოფილებდეს შემსყიდველის მიერ განსაზღვრულ მოთხოვნებს.

6.2 შესრულებული სამუშაოების სრულფასოვანი ფუნქციონირების საგარანტიო ვადა განისაზღვრება არანაკლებ 7 (შვიდი) წელი, რომლის განმავლობაშიც `მიმწოდებელი` ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა. აღნიშნული არ გულისხმობს საანგარიშო პერიოდში დაზიანების აღდგენას, თუ დაზიანება გამოწვეული იქნება დაუძლეველი ძალის ზეგავლენით.

7. მხარეების უფლებები და მოვალეობები

7.1 შემსყიდველს უფლება აქვს:

7.1.1 პერიოდულად შეამოწმოს სამუშაოების ხარისხის შესაბამისობა ხელშეკრულებით გათვალისწინებულ პირობებთან;

7.1.2 განახორციელოს კონტროლი და ზედამხედველობა მიმწოდებლის მიერ წარმოდგენილი შესასრულებელი სამუშაოების გეგმა-გრაფიკის მიხედვით სამუშაოს შესრულებაზე, თანახმად მოქმედი სამშენებლო ნორმებისა და წესებისა, რომელთა დარღვევის შემთხვევაში შემსყიდველი უფლებამოსილია შეწყვიტოს ხელშეკრულება.

7.2 შემსყიდველი ვალდებულია:

7.2.1 წერილობით აცნობოს მიმწოდებელს სამუშაოების მიწოდებასთან დაკავშირებით გამოვლენილი ხარვეზების შესახებ;

7.2.2 უზრუნველყოს სამუშაოების ინსპექტირება და დადებითი შეფასების შემთხვევაში მისი მიღება;

7.2.3 ამ ხელშეკრულებით გათვალისწინებული სამუშაოების შესრულებისათვის მიმწოდებელს აუნაზღაუროს არაუმეტეს ხელშეკრულებაზე თანდართული ხარჯთაღრიცხვით გათვალისწინებული ფასი;

7.2.4 ანგარიშსწორება მიმწოდებელთან მოახდინოს ამ ხელშეკრულების მე-11 მუხლის შესაბამისად.

7.2.5 იმ შემთხვევაში თუ მიმწოდებლის მიერ შესრულებულ სამუშაოთა წარმოდგენილი მოცულობები შემსყიდველის მიერ გადამოწმების შემთხვევაში არ შეესაბამება რეალობას, შემსყიდველი ვალდებულია სათანადო აქტის შედგენის შემდეგ არ აუნაზღაუროს აღნიშნული სამუშაოთა ღირებულება და განიხილოს მიმწოდებლის პასუხისმგებლობის საკითხი.

7.2.6 უხარისხოდ შესრულებული სამუშაოების დაფიქსირება უნდა მოახდინოს კომისიური წესით შედგენილ აქტში, რის შემდეგაც მიმწოდებელს არ აუნაზღაურდება დეფექტით შესრულებული სამუშაოთა ღირებულება.

7.2.7 შემსყიდველი და მის მიერ ინსპექტირებისათვის შერჩეული პირი (ჯგუფი) ვალდებულია მიმწოდებელთან ერთად აწარმოოს სამუშაოების შესრულებაზე ხელშეკრულებით გათვალისწინებული ვადების მიმდინარეობის კონტროლი.

7.3 მიმწოდებელს უფლება აქვს:

7.3.1 მოთხოვოს შემსყიდველს მიწოდებული სამუშაოების ღირებულების ანაზღაურება ამ ხელშეკრულებით გათვალისწინებული პირობების შესაბამისად;

7.3.2 მონაწილეობა მიიღოს შემსყიდველის მიერ განხორციელებულ სამუშაოების ინსპექტირების პროცესში.

7.4 მიმწოდებელი ვალდებულია:

7.4.1. მიმწოდებელი ვალდებულია უზრუნველყოს სამუშაოების დაწყება ხელშეკრულების გაფორმებიდან - 10 სამუშაო დღის განმავლობაში; წინააღმდეგ შემთხვევაში შემსყიდველი იტოვებს უფლებას შეწყვიტოს ხელშეკრულება და მოითხოვოს პირგასამტეხლო სახელშეკრულებო ღირებულების 10 %-ის ოდენობით.

7.4.2 დაიცვას ხელშეკრულებით გათვალისწინებული ყველა პირობა. ამ ხელშეკრულებით განსაზღვრული სამუშაოების მიწოდება უზრუნველყოს არაუმეტეს ხელშეკრულებაზე თანდართული ხარჯთაღრიცხვით გათვალისწინებული ფასისა;

7.4.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე, დაუყოვნებლივ უზრუნველყოს აღმოჩენილი ხარვეზების გამოსწორება, საკუთარი ხარჯებით, შესრულებული სამუშაოს მიწოდებიდან 7 (შვიდი) წლის განმავლობაში;

7.4.4 განახორციელოს შემსყიდველის ინფორმაციული უზრუნველყოფა შესრულებული სამუშაოების შესახებ;

7.4.5 ხელშეკრულებით გათვალისწინებული სამუშაოების შესრულებისას იხელმძღვანელოს წინამდებარე ხელშეკრულების პირობებისა და საქართველოში მოქმედი ყველა სამშენებლო ნორმების, სტანდარტების და წესების მოთხოვნების მიხედვით.

7.4.6 ხელშეკრულების მოქმედების პერიოდში იქონიოს მუდმივი კავშირი შემსყიდველთან.

7.4.7 საკუთარი ხარჯებით უზრუნველყოს ხელშეკრულების კონტროლის შედეგად გამოვლენილი ყველა დეფექტის ან ნაკლის აღმოფხვრა.

7.4.8 უზრუნველყოს ფარულ სამუშაოებზე სათანადო აქტის მომზადება (არსებობის შემთხვევაში)-

7.4.9 გააფრთხილოს შემსყიდველი მიწოდების პროცესში შეფერხების შესახებ;

7.4.10. სამუშაოს პროცესში ჩართული საინჟინრო_ტექნიკური პერსონალის და მუშა_მოსამსახურეების შემადგენლობა უზრუნველყოს საქართველოს მოქალაქეებით არანაკლებ 70 პროცენტის ოდენობით

7.4.11 2018 წელს შეასრულოს არანაკლებ 250000 (ორასორმოცდაათათასი) ლარის ღირებულების სამუშაოები რაც უნდა დადასტურდეს შ.პ.ს საინჟინრო მონიტორინგის ჯგუფის მიერ შესრულებული სამუშაოს ხარისხზე, მოცულობასა და შესაბამის ღირებულებაზე გაცემული დადებითი დასკვნის (ანგარიშის) წარმოდგენით. აღნიშნული მიწოდების ვადის დარღვევის შემთხვევაში მოქმედებს ხელშეკრულების მე-14 მუხლის სანქციები.

7.4.12 მიმწოდებელმა სამუშაოს მიმდინარეობა შეათანხმოს შემსყიდველთან.

7.4.13 სამუშაოების შესრულების პროცესში უზრუნველყოს დამცავი გამაფრთხილებელი თვალსაჩინოებისა და სინათლის ამრეკლი შუქნიშნების დაყენება.

7.4.14 შეასრულოს სამუშაოები შრომის უსაფრთხოების პირობების დაცვით.

7.4.15 უზრუნველყოს სამუშაო ადგილის ფარგლებში მდებარე ხეებისა და მცენარეების სიცოცხლისუნარიანობა, ეკოლოგიური ზემოქმედების მინიმუმამდე დაყვანა.

7.4.16 სამუშაოს დასრულების შემდეგ 10(ათი) დღის ვადაში თავისი ძალებითა და სახსრებით გაათავისუფლოს სამუშაო ადგილი და მიმდებარე ტერიტორია სამშენებლო მოწყობილობა-დანადგარებისაგან, მასალებისაგან, დროებითი ნაგებობებისაგან, სამშენებლო და საყოფაცხოვრებო ნარჩენებისაგან.

7.4.17 შესრულებული სამუშაოთა მაღალი ხარისხის უზრუნველსაყოფად მოქმედი სამშენებლო ნორმების შესაბამისად, სამუშაოების პროცესის ინსპექტირებაში ჩართული იქნება შ.პ.ს საინჟინრო მონიტორინგის ჯგუფი.

7.4.18 სამუშაოების ხარისხიანად წარმართვისათვის ბეტონის ნიმუშებს უნდა ჩაუტარდეს ხარისხის ყველა საკონტროლო ლაბორატორიული გამოცდები. ბეტონის ხარისხი უნდა შეესაბამებოდეს საქართველოში მოქმედ სტანდარტებსა და ნორმებს. წინააღმდეგ შემთხვევაში სამუშაოები არ იქნება მიღებული. ხელშეკრულების ფარგლებში ანაზღაურებული იქნება იმ სამუშაოების ღირებულება, რომელზეც არსებობს შ.პ.ს საინჟინრო მონიტორინგის ჯგუფის მიერ გაცემული დადებითი დასკვნა.(ანგარიში)

8. ხელშეკრულების შესრულების კონტროლი

8.1 შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულების შესრულებაზე, მათ შორის სამუშაოების ხარისხის პერიოდული კონტროლი.

8.2 ხელშეკრულების კონტროლს შემსყიდველის მხრიდან განახორციელებს ამ მიზნით საჩხერის მუნიციპალიტეტის მერის 2018 წლის 31 იანვრის # 53 383 ბრძანებით შექმნილი ჯგუფი და შ.პ.ს საინჟინრო მონიტორინგის ჯგუფი (საჩხერის მუნიციპალიტეტსა და შ.პ.ს საინჟინრო მონიტორინგის ჯგუფს შორის 2017 წლის 8 სექტემბერს დადებული #144 ხელშეკრულების საფუძველზე)

8.3 ზედამხედველობის განმახორციელებელი ორგანიზაცია - შპს"საინჟინრო მონიტორინგის ჯგუფი" ამოწმებს სამუშაოს შესრულების მოცულობას, ხარისხს და ვადებს.

8.4 კონტროლის შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს მიზეზების მითითებით.

8.5 გამოვლენილი დეფექტების ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

9.შესყიდვის ობიექტის მიწოდების ვადები და ადგილი

9.1 შესყიდვის ობიექტის პირველი ეტაპის სამუშაოების მიწოდების ვადა განისაზღვრება 2018 წლის _____ ჩათვლით. რომლის დადასტურება უნდა მოხდეს შ.პ.ს საინჟინრო მონიტორინგის ჯგუფის მიერ გაცემული დადებითი დასკვნის (ანგარიშის) წარმოდგენით შესრულებული სამუშაოს ხარისხზე, მოცულობასა და შესაბამის ღირებულებაზე.)

9.2 შესყიდვის ობიექტის საბოლოო მიწოდების ვადა განისაზღვრება 2019 წლის ----- ჩათვლით. (ამავე ვადაში უნდა იქნეს წარმოდგენილი შ.პ.ს საინჟინრო მონიტორინგის ჯგუფის მიერ გაცემული დადებითი დასკვნა შესრულებული სამუშაოების მოცულობაზე ხარისხზე და შესაბამის ღირებულებაზე).

9.3 შესყიდვის ობიექტის მიწოდების ადგილია საჩხერე სოფელი საირხე მერჯევი.

10.შესყიდვის ობიექტის მიღება-ჩაბარების წესი

10.1 შესყიდვის ობიექტის მიღება წარმოებს მიღება-ჩაბარების აქტით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელის

მოწერით, ხელშეკრულების კონტროლის განმახორციელებელი ჯგუფის წევრებისა და შ.პ.ს საინჟინრო მონიტორინგის ჯგუფის მიერ გაცემული დადებითი დასკვნის საფუძველზე.

10.2 შესყიდვის ობიექტის მიღებას აწარმოებს საჩხერის მუნიციპალიტეტის მერიის პირველადი სტრუქტურული ერთეულის სივრცითი მოწყობის არქიტექტურისა და ზედამხედველობის სამსახურის უფროსი.

10.3 საჭიროების შემთხვევაში შემსყიდველი ვალდებულია ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები დაწუნებული სამუშაოების მოცულობის და წუნდების მიზეზის მითითებით.

11. ანგარიშსწორება

11.1 ანგარიშსწორება განხორციელდება შემდეგი პირობებით

ა) ანგარიშსწორების ვალუტა_ლარი; ბ) ანგარიშსწორების ფორმა_უნადლო; წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

11.2 საბოლოო ანგარიშსწორება მოხდება შ.პ.ს საინჟინრო მონიტორინგის ჯგუფის დადებითი დასკვნის (დასკვნა უნდა იყოს მოცულობაზე ხარისხზე და შესაბამის ღირებულებაზე) მიღება-ჩაბარების აქტის და სათანადო საბუთების წარმოდგენიდან 10 (ათი) სამუშაო დღის განმავლობაში.

11.3 მიმწოდებლის მიერ სათანადო წერილობითი თხოვნის საფუძველზე შემსყიდველი უფლებამოსილია განახორციელოს შუალედური გადახდები მიმწოდებლის მიერ ფაქტობრივად შესრულებულ სამუშაოებზე, არსებული წესის შესაბამისად წარმოდგენილი სათანადო დოკუმენტაციის საფუძველზე კერძოდ შ.პ.ს საინჟინრო მონიტორინგის ჯგუფის დადებითი დასკვნის (ანგარიშის) (სამუშაოს მოცულობაზე ხარისხზე და შესაბამის ღირებულებაზე) და შუალედური მიღება-ჩაბარების აქტის, ფორმა #2-ის და სათანადო დოკუმენტაციის წარმოდგენიდან 10 სამუშაო დღის განმავლობაში. შუალედური აქტებით თანხის გადახდა მოხდება ხელშეკრულების ღირებულების არაუმეტეს 70%-ისა.

11.4 შესაძლებელია საავანსო გადახდა ხელშეკრულების ღირებულების შესაბამისი თანხის 10% ოდენობით, საბანკო გარანტიის წარმოდგენის შემთხვევაში რომელიც 30 კალენდარული დღით უნდა აღემატებოდეს სამუშაოების დასრულების თარიღს.

11.5 იმ შემთხვევაში, თუ განსაზღვრული გარემოებების გამო მიმწოდებლის მიერ შესრულებული სამუშაოების ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტობრივად შესრულებული სამუშაოს ღირებულებას ამ ხელშეკრულებით განსაზღვრული ერთეული ფასების შესაბამისად. აღნიშნულიდან გამომდინარე მიმწოდებელს არ უნდა გააჩნდეს პრეტენზია სამუშაოთა აუთვისებელ მოცულობების შესრულებაზე და მის გადახდაზე.

11.6 ხელშეკრულების ფარგლებში ანაზღაურებული იქნება მხოლოდ იმ შესრულებული სამუშაოების, მათ შორის შემსყიდველთან შეთანხმებით შესრულებული გაუთვალისწინებელი სამუშაოების ღირებულება, რომლის მოცულობასა და ხარისხზე არსებობს უშუალოდ შემსყიდველის და საამისისოდ შერჩეული პირის (ან ჯგუფის) მიერ დადასტურებული აქტი.

11.7 გაუთვალისწინებელი სამუშაოების თანხების ხარჯვა მოხდება აუცილებლობიდან გამომდინარე შემსყიდველთან შეთანხმებით.

12. ხელშეკრულების უზრუნველყოფის გარანტია

12.1 ხელშეკრულების შესრულების უზრუნველყოფის მიზნით მიმწოდებელმა შემსყიდველს უნდა წარუდგინოს უპირობო საბანკო გარანტია. საგარანტიო თანხის ოდენობა განისაზღვრება ხელშეკრულების ჯამური ღირებულების — პროცენტის ოდენობით, რომლის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.

გარანტია უნდა იყოს უპირობო და შემსყიდველს უნდა აძლევდეს უფლებას გარანტიის გამცემი დაწესებულებისაგან პირველი მოთხოვნისთანავე მიიღოს შესაბამისი თანხა.

12.2 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი საბანკო გარანტია გამოიყენება ნებისმიერი ზიანის ანაზღაურების მიზნით, რომელიც მიადგა შემსყიდველს, მიმწოდებლის მიერ ხელშეკრულების პირობების შესრულებით ან არაჯეროვნად შესრულების გამო.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომლის გამო ფერხდება ხელშეკრულების პირობების შესრულება, ამ მხარემ დაუყონებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

13.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით, ხელშეკრულების მე-15 მუხლის შესაბამისად.

14. მხარეების პასუხისმგებლობა ხელშეკრულების დარღვევისას

14.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

14.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებებს, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებული იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

14.3 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

14.4 თუ მიმწოდებელი არ ასრულებს ან არაჯეროვნად ასრულებს ხელშეკრულების პირობებს, შემსყიდველი წერილობით აფრთხილებს მიმწოდებელს დაიცვას ხელშეკრულების პირობები

14.5 თუ მიმწოდებელი გაფრთხილების (გონივრულ ვადაში) შემდეგაც არ ასრულებს ნაკისრ ვალდებულებებს, შემსყიდველს უფლება აქვს ცალმხრივად შეწყვიტოს ხელშეკრულების მოქმედება. ასევე დააკისროს ხელშეკრულებით გათვალისწინებული ვალდებულებების შეუსრულებლობის გამო პირგასამტეხლო სახელშეკრულებო ღირებულების 20%-ის ოდენობით.

14.6 ხელშეკრულებიდან გასვლასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსი.

14.7 ხელშეკრულების პირობების შეუსრულებლობის შემთხვევაში შემსყიდველის, მიმწოდებლის და ხელშეკრულების შესრულების კონტროლის განმახორციელებელი ჯგუფის მონაწილეობით ფორმდება შესაბამისი აქტი, სადაც დეტალურად იქნება აღწერილი ხელშეკრულების შეუსრულებლობის მიზეზები, თუ მიმწოდებელი უარს აცხადებს აღნიშნული აქტის შედგენაში მონაწილეობაზე ხსენებული ფიქსირდება ამავე

აქტში და იგი იწვევს იმავე სამართლებრივ შედეგებს რასაც გამოიწვევდა მიმწოდებლის მონაწილეობით შედგენილი აქტი.

14.8 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში მხარეებს ეკისრებათ პირგასამტეხლო ყოველ გადაცილებულ დღეზე გაანგარიშებით შეუსრულებელი ვალდებულების ღირებულების 0.02 პროცენტის ოდენობით.

14.9 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

14.10 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3.0 პროცენტს მხარეებს უფლება აქვთ შეწყვიტონ ხელშეკრულება.

14.11 ამ ხელშეკრულების 14.10 17.1 მუხლის მოთხოვნათა შესაბამისად, ხელშეკრულების სრული ან მისი ცალკეული პირობების მოქმედების შეწყვეტის შემთხვევაში, მხარეს რომელმაც არ შეასრულა ხელშეკრულებით ნაკისრი ვალდებულება დაეკისრება პირგასამტეხლო ხელშეკრულების საერთო თანხის 20 (ოცი) პროცენტის ოდენობით (-----) ლარი მეორე მხარის სასარგებლოდ.

14.12 ხელშეკრულების პირობების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას ფატიურად შესრულებული სამუშაოს ასანაზღაურებელი თანხიდან, საჯარიმო სანქციების თანხა პირდაპირ გადარიცხოს არასაგადასახადო ანგარიშწორების ერთიან ანგარიშზე სახელმწიფო ხაზინაში.

15. ხელშეკრულებაში ცვლილებების შეტანა

15.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

15.2 თუ რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

16. დავები და მათი გადაწყვეტის წესი

16.1 ხელშეკრულების შესრულებისას მხარეებს შორის წარმოქმნილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე, რაც უნდა გაფორმდეს წერილობით.

16.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

17. ხელშეკრულების შეწყვეტა

17.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში. აღნიშნულის თაობაზე მეორე მხარეს უნდა ეცნობოს წერილობით 10 დღით ადრე.

17.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

17.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

18. ხელშეკრულების მოქმედების ვადა

18.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 201----- წლის ----- ჩათვლით.

19. ფორს-მაჟორი

19.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

19.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომასა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

19.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

20. ქვეკონტრაქტორი

20.1 მიმწოდებელმა წერილობით უნდა აცნობოს შემსყიდველს წინამდებარე ხელშეკრულების ფარგლებში ქვეკონტრაქტორის აყვანის შესახებ.

20.2 მიმწოდებელს არ აქვს უფლება გადასცეს ქვეკონტრაქტორს თავისი უფლებები და მოვალეობები, შემსყიდველის თანხმობის გარეშე.

20.3 ქვეკონტრაქტორი კომპანია არ უნდა იყოს რეგისტრირებული სახელმწიფო შესყიდვებში მონაწილე არაკეთილსინდისიერ პირთა რეესტრში „შავი სია“.

20.4 შემსყიდველის თანხმობის გარეშე ქვეკონტრაქტორის აყვანის შემთხვევაში, იგი უფლებამოსილია მიმწოდებელს შეუწყვიტოს ხელშეკრულება და დააკისროს ჯარიმის სახით პირგასამტეხლო სახელშეკრულებო თანხის 2%-ის ოდენობით.

20.5 ქვეკონტრაქტორზე წარმოდგენილი უნდა იქნას შემდეგი სახის ინფორმაცია:

20.5.1 შესასრულებელი სამუშაოების დასახელება და ღირებულება.

20.5.2 ქვეკონტრაქტის ასლი.

20.5.3 შესაბამისი გამოცდილების დამადასტურებელი დოკუმენტაცია.

21. სხვა დებულებები

21.1 სისტემაში ატვირთული #NAT ელექტრონული ტენდერის სატენდერო დოკუმენტაცია წარმოადგენს ამ ხელშეკრულების განუყოფელ ნაწილს.

21.2 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

21.3 არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.

21.4 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

21.5 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა, ორი ეგზემპლარი ინახება შემსყიდველთან, ხოლო ერთი ეგზემპლარი – მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

21.6 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილი მხარეთა მიერ.

22. მხარეთა რეკვიზიტები და ხელმოწერები

შემსყიდველი:

მიმწოდებელი:

სსიპ თვითმართველი თემი
საჩხერის მუნიციპალიტეტი
მისამართი: 4000ქ. საჩხერე
თავისუფლების ქ. #4
სნ _ 239393811
ტელ:0(435)221300

ბენიამენ ფალავანდიშვილი
საჩხერის მუნიციპალიტეტის
მერი